



PRESIDÊNCIA DO
CONSELHO
DE MINISTROS



FAKTU SIRA HUSI (FACT SHEET) KOMPAKTU TIMOR-LESTE

Timor-Leste comemora ona nia loron Restaurasaun Independénsia ba dala-19 iha 20 Maiu 2021. Iha tinan 19 hafoin Restaurasaun Independensia, Timor-Leste nia kometimentu ba governasaun di'ak rekoñesidu internasionálmente. Ho rasaun ida ne'e Iha tinan 2017, Millennium Challenge Corporation (MCC), Ajénsia Independente Governu Estados Unidos América ba desenvolvimentu hili Timor-Leste hodi dezenvolve akordu subvensaun multimilionáriu ba desenvolvimentu ba tinan lima nia laran – hanaran akordu Kompaktu – ne'ebé maka sei redús pobreza liuhosi hasa'e kreximentu ekonomia. MCC nia aproximasaun úniku ba selesaun no dezeña projetu ne'ebé bazeia ba dadus, nune'e mós nia modelu desenvolvimentu no implementasaun ne'ebé nasaun proponenti mak lidera rasik, ida ne'e fó oportunidade ba Timor-Leste atu investe iha nia prosperidade ekonómiku no aliña di'ak ho Timor-Leste nia Polítika ba Asisténsia ka Ajuda Externa nian (*Timor-Leste's Aid Policy*).

MCC no Governu Timor-Leste serbisu liuhosi Ekipa Dezenvolvimentu Kompaktu ou Compact Development Team Timor-Leste (CDT-TL) – agora ne'e dezeña hela programa kompaktu ida hodi responde ba obstákulu prinsipál kreximentu ekonomia nasaun nian – Dezenvolvimentu Kapital Umanu no redusaun moras. Proposta ba program kompaktu ida ne'e nia objetivu mak atu redús moras ne'ebé aas, liuhusi atualiza ka hadi'a sistema tratamentu ba bee, saneamentu no drenazen iha Dili, no hasa'e qualidade ensinu sekundáriu liuhusi harii Sentru Exelénsia ida no fó formasaun ba manorin no lideransa eskola sira.

REDÚS NÚMERU MORAS IHA TIMOR-LESTE LIUHUSI HADI'A INFRAESTRUTURA



Labarik sira bee iha drenazen laran ne'ebé kontaminadu iha Dili.

Timor-Leste hasoru obstákulu boot ba dezenvolvimentu ekonómiku ne'ebé kauza husi taxa númeru as husi raes badak (Stunting) no morbidade tanba moras sira ne'ebé transmit husi bee kontaminadu, saneamentu ladi'ak no inundasaun sira. Proposta projetu Infrastrutura ba Tratamentu bee, Saneamentu no Drenazen sei dezeña hodi hamoos kontaminasaun husi ambiente no hadi'a qualidade bee nian hodi hatan ka responde ba preokupasaun xave hirak ne'e. Adisionálmente, atu investe iha dezenvolvimentu infraestrutura, projetu ida ne'e sei inklui mós esforsu sira ba mudansa sosiál no atitudi ka hahalok sira ne'ebé nia tarzetu hare ba iha individuú sira nia prátika ijiene nian ba bee no saneamentu. MCC no Governu Timor-Leste daudaun ne'e halo hela estudu viabilidade ida ne'ebé sei ajuda hodi determina modu investimentu lolos ne'ebé sei lori impaktu boot ba redusaun moras nian iha Dili, Ermera no Bobonaro.

Enkuantu Timor-Leste agora dadauk servisu hela hodi limita impaktu pandemia COVID-19, asesu ba bee ne'ebé seguru no moos no atendementu ba saneamentu ne'ebe modernu sai ona hanesan fatór importante ida hodi proteze Timor-oan tomak nia saúde . Hadi'a qualidade bee, saneamentu no drenazem nian iha Timor-Leste ne'e sei ajuda hodi kria reziliensia ne'ebé nesésária ba nasaun ida ne'e hodi hasoru obstákulu ba saúde iha futuru, hasa'e kresimentu ekonomia no redús probreza.

Governu Timor-Leste estabelese tiha ona padraun ba qualidade bee nian, kria empreza públika ida nomos regulador independente ida ba bee nian – xave husi reforma ida ne'e maka atu hadi'a jestaun iha setór bee nian no ajuda Governu Timor-Leste atu hadi'a prestasaun servisu esensíal sira ba nia povu. Ida ne'e nudár demonstrasaun inísiu husi kometimentu Timor-Leste nian ba proposta kompaktu MCC nian. Reforma inísiu hirak ne'e sei ajuda atu asegura sustentabilidade finansiamentu iha tempu naruk ba projetu iha área bee, saneamentu no drenazen hanesan obra ida.

HADI'A EDUKASAUN SEKUNDÁRIA NIAN LIUHOSI HANORIN NE'EBÉ DI'AK



Estudante sira eskola sekundária iha Munisípiu Ermera durante misaun avaliasaun ida ne'ebé Ekipa CDT-TL no Representante husi Ministériu Edukasaun, Joventude no Desportu hala'o iha Setembru 2020.

Rekoñese katak dezvoltamentu ekonómiku ne'e presiza halo investimentu ba Timor-oan sira, Governu Timor-Leste mós propoin ona proposta projetu edukasaun ida ne'ebé ho nia objetivu maka hadi'a kualidade edukasaun ba estudante sira husi 10^o ba to'o 12^o hodi kapasita sira ho abilidade atu susesu iha serbisu sira no edukasaun iha ensinu superior.

Atu hadi'a kualidade edukasaun ba estudante Timor-oan sira nian ne'e sei hahú liuhosi edukasaun no fó formasaun ba manorin no lideransa eskola sekundáriu nian sira iha Timor-Leste. Projetu edukasaun ne'ebé propoin ona ne'e nia objetivu maka atu hadi'a kualidade edukasaun nian liuhosi harii Sentru Exelénsia ida ne'ebé sei fornese treinamentu ba futuru manorin no lideransa eskola nian iha ensinu sekundáriu sira (pre-service training), no sei dezvoltolve treinamentu no oportunidade ba dezvoltamentu profisionál manorin no lideransa eskola atuál sira. MCC ho Governu Timor-Leste agora daudaun ne'e hala'o hela estudu dezeñu ida ne'ebé mak sei fó sai ho detallu no lala'ok kona-ba proposta projetu refere.

FAZE TUIR MAI

Investimentu kompaktu MCC nian ne'e implementa ho rigorozu tebes iha tinan lima tuir nia oráriu - bainhira relójiu ba tinan lima nian hahu ona, ida ne'e labele hapara ka interompe. Atu asegura katak MCC no Governu Timor-Leste bele implementa projetu sira ne'ebé propoin tiha ona durante tinan lima nia laran, sira investe ona tempu ne'ebé signifikativu hodi dezvoltolve kompaktu no prepara projetu sira ba aprovasaun no implementasaun. CDT-TL ho MCC daudaun ne'e iha prosesu atu halo kompleta estudu balun ne'ebé sei fornese dados no informasaun xave sira atu finaliza detallu porjetu sira no dezeñu lala'ok projetu nian.